



Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 63. Concilium Turonense.

[urn:nbn:de:hbz:466:1-66377](#)

Sæcul. XII.
A. C. 1163.

tertio, Alexander Papa, colloquium habitus cum Ludovico Rege, Parisios venit. Cum appropinquaret, obviam processit Rex ad duas leucas cum Baronibus & Militibus suis, & conspecto procul Pontifice de equo descendit, celeriter occurrit & stapedem tenuit, tumque in amplexus itum est. Simul progressi urbem intrant, & obviam exeuntes Clerici Papam cum Cardinalibus ad Ecclesiam Cathedralem deducunt. Parisius Papa illa Quadragesima permansit pergitque Festum Paschale, quod in vigesimam quartam diem Martii incidebat. Post Pascha haud diu ibi moratus discessit & per civitatem Carnutensem transiens Turonem rediit, quo Concilium in Octava Pentecostes, nempe die decima nona Maji inchoandum convocaverat.

§. LXIII.

Concilium Turonense.

to. 10. Conc. 1424. Præstituta die initium datum est Concilio Turonensi in Ecclesia Metropolitana S. Mauritii. Aderant vero cum S. Pontifice Cardinales septendecim, Episcopi centum viginti quatuor, Abbes quadringenti & quatuordecim, præter magnam tum virorum Ecclesiasticorum tum Laicorum frequentiam, omnes ex Franciæ Angliaque provinciis utriusque

trique Regi subditis, cum quibusdam Sæcul. XII.
Italis.

A. C. 1163.

Confidentibus omnibus Arnulphus *Conc. p. 1411.*
Episcopus Lexoviensis, mandante Pon-
tifice, orationem exorsus est, in qua hor-
tatur Episcopos, ut pro concordia & pa-
ce Ecclesiæ contra Schismaticos, ac pro
eiusdem libertate contra tyrannos, Ma-
trem suam spoliantes & opprimentes,
fortiter decertent. *Quamvis vero, in-*
quit, illi Ecclesiam dividere satagant,
non ideo tamen minus una est, quia ex
sinu ejus exeunt, & foris permanent.
Et quamvis isti eam in servitutem redi-
gere velint, non ideo minus libera est,
quia potestate spirituali rebelles castigat.
Prædictus Arnulphus, futurum esse, ut
Imperator conversus fateatur, Principa-
tum Ecclesiæ sua potestate esse superio-
rem, & in primis Dominatum Ecclesiæ
Romanae recipiat, quandoquidem ex
Historia disceremus, ejus Antecessores
solius hujus Ecclesiæ gratiæ Imperium
in acceptis retulisse (*). In peroratio-
ne excitat Episcopos, ut opes suas uti-
liter communi necessitati impendant,

E e s Eccle-

(*) Contrarium legimus in Epistola Hadria-
ni Papæ paragrapho superiore XXV. & Fride-
rici Imperatoris paragrapho XXX. Ceterum,
hæc dicit Episcopus Gallus & in Gallia: Ger-
manus aliter sine dubio locutus fuisset.

Sæcul. XII. Ecclesiæ exuli succurrant, illisque, qui
A.C. 1163. res suas & quietem propter JESU Christi
causam amisissent, nempe Papæ & Car-
dinalibus.

¶. I. Concilium Turonense decem Cano-
nes, plerosque ex Conciliis superiorum
temporum petitos, stabilivit. Decreta
magis memorabilia sunt sequentia: Præ-
bendæ & Dignitates Ecclesiasticæ, præ-
sertim minora Beneficia in partes non
dividantur. Episcopi aliive Præsules
nulli Laico Ecclesiæ vel Decimas vel
Oblationes pendant. Nemo ex contra-
etu Locationis sub anno pretio cuiunque
Sacerdoti Regimen Ecclesiæ conce-
dat, quæ consuetudo enormis in quibus-
dam locis invaluerat. Prioratus aut
Capellaniæ Monachorum vel Clerico-
rum non vendantur. A nullo, qui ad
Religionem transire voluerit, aliqua pe-
cunia requiratur.

¶. 2. Pro sepultura quoque, pro Unctione
ægrotorum, aut perceptione Chrismati-
cis nihil exigatur. Nec sub obtentu anti-
quæ consuetudinis reatum suum quis-
quam tueatur, quia diuturnitas non mi-
nuit peccatum sed auget. Clerici aut
Religiosi usuras non petant. Non liceat
ipsis inire contractum pignoratitium, ita
ut pignoris loco fundum accipient, cu-
jus redditus, salva sorte, usque ad solu-
tionem debiti percipient.

In

In quibusdam Diœcesisibus Episcopi **Sæcul. XII.**
& Archidiaconi ad peragendas vices **A.C. 1163.**
suis & terminandas causas Ecclesiasti-
cas, sub anno pretio sibi reddendo, De-
canos aut Archipresbyteros constitue-
bant. Concilium damnat hunc abusum,
quod ad Parochorum gravamen & Ju-
diciarum eversionem tendat.

Quidam Viri Religiosi de suis clau-
stris exibant, ut sub specie Charitatis
corporibus consulerent & Medicinæ stu-
derent, ut Legibus civilibus operam da-
rent, & causas in Judicio dicerent, ob-
tendentes, se ista officia meliore fide
quam Sæculares præstituros esse. Con-
cilium districte prohibet, ne quis Reli-
giosus professus ob hujusmodi causam
exire sinatur. Si autem exierit & ad
claustrum suum infra duorum mensium
spatium non redierit, sicut excommuni-
catus ab omnibus evitetur. Si cui pa-
trocinium in judicio præstare voluerit,
non audiatur, & postquam ad Claustrum
reversus fuerit, ultimus sit in Congrega-
tione, nec ad ullum Officium promove-
ri queat.

c. 8.

Certe antiquissimus erat hic abusus, **Canones**
quod dispicimus ex Epistola S. Bernardi **Concilii Tu-**
ronensis.
ad Monachos S. Germeri, jamque olim
ab Innocentio II. in Concilio Remensi, **Bern. ep. 64.**
Ejibi Mabill.
anno millesimo centesimo trigesimo pri-
mo, iterumque in Lateranensi anno mil-
lesimo **LXVIII.**
Sup. lib.
§. 9.

Sæcul. XII. lesimo centesimo trigesimo nono, da-
A.C. 1163. mnatus. Illud vero notari meretur,
Conc. Rem. quod solum Viris Religiosis prohibeatur,
c. 6. ne officia Medicorum vel Causidicorum
 obeant, non autem Clericis sæcularibus;
 quia nempe Laici, cum literas nescirent,
 ad hæc erant omnino inepti. Iterumque
 advertendum, hæc Religiosis tunc
 tantum interdici, si ideo ex Claustris suis
 egrediantur.

6. 10.

Canone decimo Capellanis Castro-
 rum ista præcipiuntur: Ex quo eis co-
 gnitum fuerit, aliquam rem Ecclesiæ fur-
 tim ad Arcem esse delatam, moneant
 Dominum Arcis, vel ejus Præfetum;
 qui si prædam non reddiderit, qmnia Ec-
 clesiastica cessent officia, exceptis Ba-
 ptismo, Confessione, & ob timorem mor-
 tis Viatico. Semel tantum in Hebdo-
 mada in Villa Missa celebretur ostiis clau-
 sis. Quod si Castrenses post latam in
 eos sententiam per quadraginta dies fa-
 ctum non emendaverint, Capellani ab
 eis discedant, & lex ista Scriptores quo-
 que complectitur. Nam Dynastæ ad le-
 gendum & scribendum ministerio Cle-
 ricorum utebantur. Castrorum Vicarii
 vel Clerici si mutentur, non prius alii
 substituantur, quam eodem adstringan-
 tur Sacramento, se hunc Canonem ser-
 vatuos esse. Mercatores ceterique ci-
 ves urbium & oppidorum excommuni-
 catos

catos hospites non suscipiant, nec qua- Sæcul. XII.
licunque rerum communione eis jungan- A. C. 1163.
tur. In ditionibus Regiis, si constiterit,
Præfectum anathemate esse percussum,
ipso præsente Divina cessent. Ordina- c. 9.
tiones, ab Octaviano vel aliis Schisma-
ticis peractæ, invalidæ sint.

Episcopi & Presbyteri vigili oculo
Hæreticos obseruent, quorum pestis To-
losæ & in illis finibus exorta, more can-
cri Vasconiam & vicinas regiones cor-
ripiebat. Erant hi Manichæi postea Al-
bigenses dicti. Nemo eis in terra sua
receptaculum, aut præsidium concede-
re præsumat. Nullum venditione aut
emptione cum eis commercium habe-
tur. Omnia cum comminatione ana-
thematis. Si deprehensi fuerint a Ca-
tholicis Principibus custodiae tradantur,
Bonorum suorum amissione mulctentur,
eorum latibula diligentissime investigen-
tur, & convenire prohibeantur. Hæc
sunt Decreta Concilii Turonensis, quo
soluto, duo Reges Franciæ Angliæque *Act. Alex.*
Alexandrum Papam rogarunt, ut, si in
alterutro Regno commorari statuisset,
urbem, quæ maxime arrideret, in Sedem
sibi eligeret. Illi Civitas Senonensis *Chro.*
placuit, Metropolitica, in regione fertili *S. Petr. vivi.*
ac jucunda posita, ubi a prima die Octo- *tom. 2. Spi-*
bris anni millesimi centesimi sexagesimi
tertii usque ad tempus Paschale anni
cil. p. 777.
millesi-

Sæcul. XII. millesimi centesimi sexagesimi quinti
A.C. 1163. versatus, totius Ecclesiæ causas, non se-
 cus ac si Romæ fuisset, pertractavit.

§. LXIV.

S. Thomæ Cantuariensis vita.

vit. quadrip. c. 14. Thomas Archiepiscopus Cantuariensis

ex Anglia solverat, ut Concilio Tu-
 ronensi interesset, cumque tunc tempo-
 ris Regi esset carissimus, in Normannia
 & quocunque transibat, talibus honoris
 indiciis excipiebatur, ac si Rex ipse ve-
 nisset. Turonensi civitati appropin-
 quantem Præfules, nam plerique jam a-
 derant, obviam egressi, salutarunt, o-
 mnesque Cardinales, contra morem
 Romanæ Ecclesiæ, haud brevi ab urbe
 via obviam se se intulerunt, non plus
 Cardinalibus duobus apud Pontificem
 remanentibus. Papa qui virum, cuius
 præclara erat fama, jam diu videre cu-
 piebat, præsentem omni amicitiaæ officio
 prosecutus est. Ipse, dimisso Concilio,
 per aliquot dies moratus, non nulla Ec-
 clesiæ suæ privilegia confirmari petiit,
 tumque accepta Pontificis Maximi bene-
 dictione inter teneri amoris signa itine-
 ri se dedit. Ubi in Angliam appulit,
 Rex eo affectu, quo filius patrem solet,
 redeuntem complexus est. Hæc anno
 Episcopatus ejus secundo, salutis huma-

næ